

甘肅青史略卷二十三

清穆宗

辛未

同治十年春正月黃鼎上徙戎策總督左宗棠不納

馬化龍

金積堡

回安

插

靈

州

附

近

遷

馬

黃鼎以叛回甚夥誅不勝誅若留之甘肅恐二三十年後又或弄兵潢池已叛之回擇其少而壯者徙諸綠江各省俾得董陶教育變化氣質以除

乃上策於左宗棠其略曰昔者先零侵境趙充國遷之內地當煎作寇馬三國時涼州休屠胡梁元碧等三千餘家降魏左將軍郭淮徙居安定之

習安忘經世之遠略後世輒訾議之今中堂亟遇凶操殺生柄處置叛回不投諸遠省而徙之平涼所屬豈夫識微者之平乎

慕壽祺曰回族入甘非一朝矣前代處之邊徼所以招附殊俗且別異華戎用心亦良苦矣大亂初平歸降之戶其衆黃鼎欲徙之南方爲一勞永逸之計但新附者見徙其徘徊

觀望者聞之內不自安是驅之使叛也且此屬衣毛食肉樂冬便寒南土溼熱居之不宜進失歸附之心退無藩衛之益置之中夏恐生後患

金積堡平馬化龍父子兄弟及僞統領等均伏誅

金積堡既平劉錦棠雷正綰等將

插靈州附近遷馬家灘回安插張家川遷馬化龍親屬於濠外各府堡遂誅馬化龍父子兄弟並逆黨僞統領參領佐領等官八十餘名其被脅之甘回三千餘名解赴平涼安插

金積堡老弱婦女萬二千餘解

固原附城數十里安插墾荒

王元年十月將
成言誅秦王
公曰始能寬
我固以服降
且人巳不祥
殺之受馬化
榮巳又殺之
降今古異耶
其與古異耶

贈君事齊堂先
生時從雷提督
正緒軍征金積
堡著有從戎草
所記皆當日之
實在情形也

案左宗棠奏疏臣於金積堡各犯解訊時細心推鞠有供稱馬化龍能知未來事者如遺客來訪必預知同伴多寡之數從前官軍攻勦甯靈馬化龍父子兄弟悉衆抗拒預言官軍將退回民無事之類有供稱馬化龍時露靈異療病則愈求嗣則得之類有供稱馬化龍於投入新教之人向其自陳過犯撻罰皮鞭代爲識悔即可免罪之類同性多疑善詐異於常人然一經新教蠱惑卽如醉如癡牢不可破及馬化龍詣營求撫意在身塞咎見好諸回而諸回目踵營看視者日凡數輩見馬化龍輒雙膝齊跪不呼之起不敢起如非迷惑陷溺之深豈宜至此茲幸誅夷遷徙異患可冀永除後二十餘年而馬元章復起於張家川

慶防紀略云馬化龍投誠後左侯欲貸其一死劉錦棠力爭至是行刑善出於不得已耳從戎草紀錦棠致左侯啓有警句云義不共天難效寬宏之量時維正月羣聞歡笑之聲蓋學夏竦疏中句也昔大禹下車泣罪論語曰如得其情則哀矜而勿喜新正殺人聞而歡笑古今人之不相及何如此其徑庭哉

慕壽祺曰馬化龍雖叛踞金積多歷年所而宅心慈善視漢民如一家民心皆爲之傾向焉夫民心之於人國猶燈燭之有膏油樹木之有本根也惡蛾之擾燈而撲之蛾未死而膏已傾患蟲之蝕樹而掘之蟲未出而根先壞恐民之不服而殺之事未成而人已離雖爲寇盜未有不瓦解土崩者也馬化龍深明乎此汲汲焉以收拾人心爲急務及其死也

金吳堡人民聞之無不墮淚與太平國忠王李秀成受刑時無異

平涼大營提訊馬化龍家屬殺之

左宗棠將金積堡首逆馬化龍父子兄弟已令劉錦棠概加誅夷外復派員將逆屬馬玉龍馬五十六馬

此舉似覺太過
罪人不辜古有
明訓宗族誠恐
實書豈並此而
知耶

五十九等男犯十六名馬氏馬譚氏馬毛抓抓馬毛啞啞等女犯七口又雇工牛占元
二十六名僕婢使女等九名一併提至平涼委員審取確供訊得馬玉龍即馬七與馬化
龍統理鎗礮等項雇工牛占元牛占寬等係黑龍江回民在馬化龍家十有餘年往來包
頭等處置買軍物同治七年官軍進剿即與同謀抗拒訊確即行斬決其馬五十六馬五
十九馬樹邦馬彥邦馬飛飛等均年未成丁訊明不知謀逆情事解交內務府開割發往
新疆等處給官兵為奴馬化鳳馬阿喜子馬進孝馬啞啞均照例發閩廣給官兵為奴至
女犯馬化龍之妻女俱發往閩粵等省駐防為奴其訊明無從逆
之雇工僕婦使女等均發交平涼縣擇配安插免致再生事端

墓寺祺曰大軍之圍金積堡也馬化龍以無糧故屢遣其子至湘軍統領劉錦棠營門乞
降最後一次許其繳械投誠矣既許之而又殺之已失信於西戎至是復殺化龍之家屬
何殘忍一教此乎或曰為己故提督劉松山復仇宗棠亦出於萬不得已言之誠是也同
治十一年正月間湘軍進攻河州濫泥梁之敗提督傅先宗徐文秀相繼陣亡軍潰死
者不計其數時宗棠駐安定縣回酋馬占鼐遣其子安良偕同目馬水瑞等十二人至安
定大營乞降宗棠不惟不殺且以占鼐為統領彼傳徐二人之死不將呼冤於地下哉

金順等勦平王家驢逆賊

馬化龍稟請委員招降何生洲悍黨三百餘人又函通貴通
昌兩堡使早降獨王家驢賊據險抗拒竟日鏖戰金順張曜

怒攻破其堡層之通貴通昌兩堡懼赴黃鼎營就撫平毀其堡於是陝甘
之回勢孤不復振崔偉禹得彥馬生彥馬占鼐馬尅大等紛紛請撫矣

設化平川廳治安插撫回陳林等

時陳林馬振江赫選青馬化鳳閻興春余兆麟拜萬
江金明堂安傑等俱歸就撫共男女丁口一萬有奇

魏州原名魏州
魏太公孫氏
名今華亭

除擄選壯丁四百名交安傑藍明泰管帶隨
征外其餘俱解赴平涼撥歸化平川安插

案平定關隴紀略解赴化平川同民計陳林一起男女一千五百餘口馬振江一起男女
八百餘口赫選青一起三百八十餘口馬化鳳一起一千三百餘口閻興春余兆麟拜萬

江金明堂安傑等一起五千五百餘口除擄壯丁四百名交安傑藍明泰帶領隨營征勦
外餘俱解赴平涼實待安插之衆尙一萬有奇均發化平川安插其地水源有二一爲化

平川一爲聖女川合流匯白面河入清水縣界川中橫寬五六里長約三十里因奏請旨
添設北平川通判化平營部司彈壓而鎮治之改白面河爲北面河聖女川爲聖諭川並

令宣講聖諭以化頑俗勸千總牟春陽帶土兵二百四十名分紮關山三才鎮
各口而以總兵喻勝榮帶所部平江營扼紮化平川以終金積堡勦撫之局

又案地理志化平縣名金置在今化平廳西三里本宋安化縣地屬儀州西北至番界十
里尋改屬行渭州行渭州即今平涼府也金大定七年改爲化平縣元并入華亭遺址尙

存平涼府志涇水有二源南支出空同中曰前峽北支出老山曰後峽自華亭大會坡西
北十里有泉百餘流爲白巖川其西北曰聖女川曰化平川曰龍家峽川下流皆匯於空

同之前峽故化
平反稱爲百泉

纂壽祺曰古之徙遠方以實廣虛也相其陰陽之和售其水泉之味審其土地之宜觀其
草木之饒然後營邑立城制里割宅通田作之道正阡陌之界先爲築室家有堂二內門

戶之閒置器物焉民至有所居作有所用此民所以輕去故鄉而勸之新邑也左宗棠安
插陝同於化平爲之建城垣發牛種隴人聞之大譁至有左阿渾之稱曷取龜錯論募民

從塞下書
而一讀之

左宗棠遣兵搜剿甯夏竄賊明七十子等俱伏誅

甯夏以南山谷間伏莽猶多宗棠令中路各軍平慶涇各軍及旌善

馬隊與已撫良回嚴密偵探隨時擒剿未幾周紹濂所部李良穆派弁李昭林及回目馬益順王益萬李存昇等追剿逆黨生擒逆目王金玉旌善馬隊馬柏森生擒要逆譚生成之弟譚生邦並丁萬圖馬三寶解營訊決撫回陳聚安會同李得倉捕明七十子於張家川之瓦窰堡李良穆續獲李映春之黨楊太山導引官軍生擒李映春及其子李存英良回馬宗保捕獲逆回馬奇海馬俊馬拾娃子良回李存昇擊獲要逆偽順天王楊太娃子馬柏森捕獲逆賊馬義等十九名馬元帥等四名均解營訊決楊正茂護運赴省亦於景家口陣斬逆目袁和等百餘名於是著名竄逆剿除之餘所存無幾

合順張曜攻克納家開逆巢甯夏甯朔平羅一律肅清

自去冬以來金積王家驢通貴通昌等堡雖破而河

西餘孽聚聚納家開負隅伺釁其地北可竄阿拉善東北可竄包歸中路若果前移亦可南竄鹽池勾合伏匿零匪爲患滋深幸金順張曜圍攻納家開餘逆二三月之久得聚而殲之同有漏逸至此北路之功始竣定安金順疏報後奉上諭定安金順奏甯夏西岸三縣同匪勒辦完竣請將道員汪景度簡用定安奏西來回匪滋擾烏拉特旗界內金順奏請將管站各員獎勵各摺片覽奏均悉納家開賊巢業經攻克甯夏甯朔平羅一律肅清本日已明降諭旨將定安金順張曜交部從優議叙出力各員照請獎勵矣其投出回民

業經金順張曜分起發交地方官安置靈州逃來之回亦解交該州收管著左宗棠張曜
密為查察妥為鎮撫毋令再滋事端金順現應前赴烏里雅蘇臺將軍新任甯夏一帶如
尚有潛匿餘匪著張曜統率各營認真搜捕務絕根株陝回尚有老弱男婦五百十五口
應否解至平涼安插著左宗棠會商金順張曜妥籌辦理甯夏軍事現已完竣金順張曜
所部兵勇應如何分別撤留或包頭纏金一帶須安兵防勦之處著定安金順張曜細
心會商妥速籌辦阿拉善鄂爾多斯等旗並殺虎口等界管站各員接遞文報尚無貽誤
著定安查明擇尤
請獎毋許冒濫

案甯夏縣漢為宮平廉靈武三縣地屬北地郡南北朝後魏置巖綠縣屬化政郡後周置
懷遠縣又置建安縣隋巖綠縣屬朔方郡又為懷遠靈武宏靜三縣地屬靈武郡唐改名
朔方縣屬夏州朔方郡懷遠靈武保靜屬靈武郡五季為懷遠縣保靜縣宋為懷遠鎮元
屬甯夏路明為甯夏衛甯朔縣漢為宮平縣北朝周改置懷遠縣甯朔縣隋仍名懷遠甯
朔二縣屬朔方郡唐亦名懷遠縣甯朔縣屬夏州朔方郡元屬甯夏路明為甯夏右衛中
衛縣漢為朔方郡屬安定北周改置會州尋廢隋開皇十年置豐樂縣開皇十九年置鳴
沙縣均屬靈武郡唐仍名鳴沙縣宋鳴沙縣入西夏元置應理州又為鳴沙州屬
甯夏路明廢州改建甯夏中衛平羅縣漢北地郡明洪武初置平羅所屬甯夏衛
案陝西通志元初瞻思丁以回同別庵爾之裔歸降太祖號賽典赤譯言貴族也歷官太
原平陽陝西四川雲南各省追封咸陽王其子納速拉丁追封延安王子孫衆多分為納
速拉丁四姓留居各省故甯夏有納家
戶長安縣有拉家村今臨夏喇氏最盛

署平慶涇道魏光燾捕獲逆回馬奇海馬義等隨東一律肅清

金積堡雖已肅清
甯夏府亦無賊蹤

惟自平涼以北甯夏以南計程千餘里山谷間伏匪尋回及金積堡鎮固未合以前出竄未歸之同左宗棠預飭中路各軍平慶涇各軍及施善馬隊並已撫良同嚴密偵探隨時擒剿未幾周紹濂所部左營李良穆派弁李昭林及回目馬益順王益萬李存昇等追剿逆回生擒逆目王金玉施善馬隊馬柏林生擒要逆譚生成之弟譚生邦並丁萬圖馬三保三犯解營訊決撫回陳聚安探報野賊李映春偽先行明七十子匪張家川之瓦寨堡即飭陳聚安會同李得倉密速掩捕明七十子就縛伏誅李良穆續獲李映春之黨楊太山導引官軍生擒李映春及其子李存英正法魏光燾又遣良同馬宗保捕獲逆回馬奇海馬俊馬捨娃子三犯良同李存昇擊解要逆楊太娃子係首逆穆生花黨中之黨順天王曾帶萬餘人者也馬柏林復報捕獲逆賊馬義等十九犯馬元帥王天發等四犯解營訊決楊正茂獲運赴省亦於景家口陣斬逆目袁和等百餘名於是著名竄逆均擒于境遠馬豐子馬才棕馬母驢閣希孟金添委等數名尙未捕獲

一等恪靖伯左宗棠奏請獎勵靈州甯夏肅清案內出力各員

宗棠會同督辦甘肅軍務甯夏將軍

穆圖善贊理軍務陝西巡撫蔣志章合詞馳奏并另片請開復陳提原官原銜旋奉上諭甘肅同逆馬化龍於同治八年秋間肅聚復叛盤踞靈州所屬金積堡勾結陝甘各回四出竄擾經左宗棠派軍分投截剿節節掃蕩並令道員劉錦棠等力擒逆渠將附近賊壘攻破四面鎖圍該逆勢窮乞撫勅令平毀堡寨呈繳軍械肅清延宕並於堡內埋

藏洋槍洋礮一千餘件匿不繳出是其居心巨測怙惡不悛實屬罪無可逭現經劉錦棠等將首逆馬化龍父子兄弟及逆黨譚生成等概行正法洵足上伸天討而下快人心現在堡寨一律平毀餘衆分別安插其起獲銀十九萬兩零除分賞各軍外著左宗棠將所餘銀兩爲遷居靈州之同衆購辦賑糧俾安生業仍督飭各軍將各股回匪次第進剿以期全省廓清陝甘總督一等恪靖伯左宗棠運籌決勝調度有方著加恩開復前降三級留任處分並賞加一等騎都尉世職甯夏將軍穆圖善陝西巡撫蔣志章協籌防剿均合機宜穆圖善著交部從優議敘蔣志章著交部議敘道員劉錦棠接統湘軍克平巨擘著加恩賞給雲騎尉世職並賞穿黃馬褂其尤爲出力之道員黃鼎著賞穿黃馬褂提督雷正綰著開復革職留任處分並照一等軍功從優議敘金運昌著賞穿黃馬褂總兵徐文秀蓋開缺以提督缺題奏臣督王衍慶蓋賞換葉普肯巴圖魯名號次至各營將領分別升擢其餘出力員弁准由左宗棠彙案保奏山西已革按察使陳提著開復原官原銜以示鼓勵欽此其進攻楊明堡馬家灘陣亡各員另片請卹亦奉諭均如所請緣陝甘逆回既視馬化龍爲向背金積堡地勢雄阻糧餉充足又特異請集故湖皖兩軍竭力攻戰至一載有餘中路諸軍奪險協勦相持又復數月蓋馬化龍數世不軌之心與其死黨固結之念不至於糧盡援絕事極時窮必不肯甘心待斃也朝廷論功行賞一出至公

慕肅祺曰前清二百餘年漢大巨簡任陝甘總督者楊遇春沈兆霖二人而已及同匪亂國家破格用人初川楊岳斌繼任左宗棠舉西北政權軍儲而握於一人之手從此蕩平金積聞肅新疆非常之功炳耀史策矣初李鴻章平太平國即奉督辦陝甘軍務之命已率兵至湖北復南旋天若留此河湟萬里以待楚之有材者夫豈他人之所得而爭也耶

督帶平江營蕭賞識擊賊於老河溝賊分竄通渭秦安清水境

蕭賞識率兵由靜甯向會甯一帶搜

勦至老河溝遇騎賊三百餘賞識揮隊衝擊分駐康家堡華家堡哨隊繼至賊大敗由馬營東北分竄通渭後川鋪城兒川瓦防堡擾及秦安清水各縣界適楊世俊至石佛鎮

知秦州街子口有賊率馬隊馳勦並函會總理宗岳軍營務處提督張仲春截賊必竄之路

二月提督張仲春勦賊於廖家莊陣斃賊目張運隆

仲春偵知賊竄廖家莊黎明率馬步馳往賊猶熟睡官軍

四面擊殺殆盡陣斬賊目張運隆

楊世俊追勦竄賊於任當川等處

世俊知另股賊分踞秦安縣北魏家店乃調馬隊北趨任當川扼賊東竄賊見官軍即向西遁世

俊追及於李家店賊弛備酣眠急掩擊之擒斬甚多餘賊狂奔追至馬家岔復痛勝之鮮有脫者

附錄總督左宗棠奏疏竊平涼府屬鹽茶廳固原州所轄東西兩山界連甯夏鞏昌慶陽涇州各府州地方千餘里巖壑復沓漢回雜處素為藏奸淵藪臣疊飭各軍窮搜逼緝以護饒道而靖地方擒斬首逆各匪疊經馳報而賊計愈滑往往寄孥於河州各賊巢勾結外匪每起數百騎或數十騎剽掠兩山間見官軍至則避匿無蹤兵退復出倏東倏西颺忽猝至與北方馬賊梟匪同而此間地廣人稀山谷盤互驅除尤為不易疊據甯平慶涇道魏光燾稟二月初三日所報前營副將魏紀整勦馬驄子股匪於紅羊方一帶陣斬六

十餘名初五日追及王家堡沿途斬賊八十餘名初八日復搜斬十八名生獲九名適新
營副將蕭玉元後營副將趙連拔由硝河城連糧回防行過天中溝遇竄賊二十餘莊竄
而西連追及之擒斬略盡訊據賊供逆首馬豐子已帶重傷伏鞍竄匿矣記名提督周紹
濂派隊攻羅山謝家段頭各賊巢斬馘數十生擒十餘名內有偽元帥袁希孟王添發兩
名皆金積未破之先馬化龍遣其出外求援未及歸巢者袁希孟兇悍尤著曾爲馬化龍
守峽口以抗官軍者也東山北段以預望地勢最爲險要向爲回目馬添發所據馬添發
伏誅後旌善營營官都司銜馬柏林收用其夥馬彥龍李萬海嗣因其不服調遣革逐之
馬彥龍李萬海心懷觖望二月初七夜刺殺馬柏林脅其黨以叛周紹濂魏光燾聞變率
隊圍剿賊知大兵將至向毛子井元城子一帶紛竄魏光燾派總兵于奇漢副將蕭玉
元追之逼賊下馬關斬騎賊七十餘名生擒五名副將魏紀整追至元城子地方斬步
賊十餘名提督徐文秀自白塢追至十六夜三鼓襲賊於梨花嘴山溝斬賊七八十名生
擒二十餘名二十六日提督戴某由鎮原搜剿至陽家莊一帶斃賊六十餘名副將李瑞
林吳起雲搜剿下馬關迤東一帶深山陣斬賊黨十數名生擒賊日楊金潮寨宗丁阿渾
及陝回四十餘名而馬彥龍李萬海遂遠竄西山深處百草園中離一帶踞險爲巢與西
山要逆馬豐子李百寬馬才宗潛相勾結李百寬者鹽茶廳屬賀家堡回酋與逆回馬忠
海通馬忠海伏誅後李百寬與其弟李百申李文虎藏留馬忠海餘黨李文魁楊保祿及
馬化龍之戚屬田如貴懼官軍搜捕夥謀竄附河州賊巢三月二十九夜勾河州賊數百
挈眷潛逃適周紹濂遣所部遊擊周署良率右營直抵鹽茶廳城得報會同署鹽茶廳同
知范廷梁潛師夜往襲之四月初一日黎明直抵潤溝堡正值該逆蜂擁前來周署良突
起奮擊賊駭而奔官軍分起追殺斃賊百餘名生擒李生雲馬五十二馬六個子奪回騾

馬百餘頭將李百寬眷屬截轉賀家堡訊據賊供李百寬同另股伏紅羊坊防官軍由前
面截勦不虞後路官軍至也十二日魏光燾飭所部前營副將魏紀整搜捕牙兒灣一
帶匿匪適逆目馬彥龍由關門山竄至磬敗之賊折由鹽土溝一路東竄良回都司銜穆
進善率旌善二起馬隊拒之少卻收駐南窖賊仍東竄穆進善馳報魏紀整出官馬套
截勦行至黑溝口賊已由沙臺堡竄出魏紀整突起奮擊敗之賊由柯家寨向崖窩南竄
適提督方日升總兵于奇漢朱上林山黑城子出隊截之朱上林率馬隊衝入賊中斬先
鋒悍賊十餘名而奪其馬步隊繼至賊敗折西竄是夜四鼓魏紀整追賊至崖窩南竄
民知有敗賊百餘騎在黃蒿灣急起掩之擒斬過半十四日黎明追至楊明堡收隊十六
日諜知河州賊匪另股馬步二百竄踞條子溝李百寬復帶騎賊百餘徑赴賀家堡接
取眷屬適大雨如注咫尺難辨行徑魏紀整揣條子溝之賊必李百寬邀約而來意在阻
官軍截勦以便接取逆春宜先進賀家堡截賊出路比發號疾馳行十數里至張家原則
李百寬已奪取逆春避雨窖洞燎衣作炊馬鞍盡卸矣見官軍驟至紛紛出窖列拒魏紀
黎率親兵馬隊衝入立斃執李字旗悍賊兩名馬步各隊分途齊至都司強占魁馬隊哨
長劉義縱橫盪快斃賊遂多李百寬退入窖洞賊黨死拒勇丁何來福差弁張貴元張吉
飛及馬隊軍功馬生德躍馬向前生擒李百寬比飭右後兩哨押犯赴堡子臺而餘賊已
逆春逸去魏紀整率馬步隊迅追逸賊馳入十餘里沿途斃賊約百餘並將李百寬李
文虎眷屬奪獲收隊回條子溝時已成刻矣忽聞堡子臺喊聲不絕料必有事魏紀整仍
率所部由條子溝截去見堡子臺來賊百餘與右後兩哨相持即躍馬衝入擒斬數十名
騎賊四五十向種田溝敗竄詢之生賊蓋聞李百寬就擒相約來此劫犯也正擬追逐聞
適參將宋南山守備徐有禮由小溝收隊歸與此起竄賊遇奮威截殺誅滅殆盡又行數

里至劉家井見各寨廢中火光騰灼知敗賊悉踞此間遂派隊圍定溝口督隊衝入盡數殲之此四月十六日魏光燾所部副將魏紀鑒勦辦逆回李百寬一起實在情形也同日據隆德轉連局員通判張開飛報署隆德縣知縣周其俊約駐十里鋪護連馬隊營總十六日輕騎赴北路股勦形勢總兵銜副將王有慶李松林隨身小隊同往行至距縣城四十里野雞嶺突遇大股騎賊千餘從山後突出衆寡莫敵王有慶李松林周其俊同日陣亡馬勇戰歿者數名臣於十七日午刻得信疑西山一帶向無千餘騎成股之賊其時未知李百寬業已就擒意其糾合馬彥龍等要逆及河州匪黨同來窺劫糧運也立調步隊三營馬隊三營由瓦亭踰六盤山向北追勦又飭親兵左後兩哨踰崆峒山繞化平川出龍江口而南出底店門扇岔抵隆德覓得痛勦以盡根株二十六日得管帶副將旗馬隊副將尤成章飛報十七日由高堡臺搜山到新營據探馬馳報不知何路突來騎賊百餘步賊二百餘由硝河城南三十五里巴豆溝假充官軍攻破良回王家堡肆掠逸去尤成章立即拔隊五鼓馳抵三岔口十人告知對面嶺畔密洞微露火光即攻堡之賊住宿處也尤成章挑壯士傳口號夜斫賊館比踰溝登嶺賊猶未覺壯士徑指火光明處大呼殺賊賊驚慌亂竄昏黑中斃於亂刃者約數十名奪獲牛馬驢二十餘匹黎明蹣跚追勦行五十餘里至雙樹地方賊見追軍無多列陣抗拒尤成章率游擊喻永勝千總孫成德下馬挺矛衝入賊陣手斬黃衣賊目一名而奪其馬斫斃手執方白旗賊目一名喻永勝肩受礮子傷一處胸脅受刃矛傷四處孫成德面受刀傷尤成章衣被槍子穿透數處猶奮威督隊力戰斃悍賊數十賊始大奔將士蹣跚追猛賊之擠墮澗壑自相蹂躪死者無數奪獲大小洋礮十餘桿馬牛驢共八十餘匹並奪回五起馬隊先鋒旗一暨生擒逆數名斬首軍前訊據新裏回民馬福河及活賊口供所斬黃衣賊目爲馬才棕十六日

野雞嶺賊王有慶李松林周其俊者卽此賊也人馬約共三百有奇始知隆德所報賊騎千餘不足信臣前疑李百寬糾合馬彥龍等同劫進糧者亦非也二十四日靜甯防軍記名總兵吳隆海調賊擾州西北八十餘里王家溝急起擊之斬悍賊四名二十五日追至焦家河王家堡一帶擒斬二十餘名拔出隴西鎮被裹漢民十四名收隊回防所擊者卽此起賊賊兇鋒已挫不能爲隆靜北路之患矣竊維鹽固東西兩山首鑿各逆均已陸續擒斬臣於正月二十五日附片陳明並聲敘未獲逆目惟狗齒牙子靖遠驛子馬才棕馬月驢固希孟金添安等數犯續據該提督周紹濂報捕斬閻希孟金添安近復據報靖遠驛子帶傷後昇至乾鹽池身死馬母驢卽沙母驢子已經提督楊世俊陣斬茲馬才棕復研九成章陣斬除狗齒牙子聞已逃赴河州尙無耗此外著名各逆均已伏誅而李百寬一股又已殲滅俟搜捕馬彥龍李萬海等竣事東西兩山周千餘里間伏莽盡除連道無虞梗滯矣

平慶涇道魏光燾飭所部於官道傍種樹

先是光燾率兵勦匪行經所屬各縣見鄉間穴處蜂房氣象荒涼無倚竹茂林之盛

詢及父老對以山高土冷不宜種樹光燾曰古者五畝之宅樹牆下以桑通衢之傍植楊柳以表道其所由來久矣今時值春融正當種樹之候凡爾士民擇其地所宜樹木無論桑拓榆柳以及桃李棗杏實繁易成者於池畔河旁並道左地角悉行栽植或五尺一株或一丈一株不使地有空閒較之田畝所種不納稅租不煩耕耨不憂水旱因地之力而坐收厚利所以佐五穀之不足供梁棟之用資蠶薪之需制器物蔭行路此天地間自然之利也如謂西北土冷種樹恐非所宜是則平日不讀書之故也前明成化中巡撫陝西

提督軍務馬文升按部至慶陽遂命同知薛祿擇地所宜樹如椿楸榆柳植道兩傍郵舍復遍植桃杏上地鑿池下地築井以資灌溉甫三年樹皆成陰行人忘暑夫慶陽地極西陲風土苦寒道路從古無樹木而文升廣募編種史策傳爲美談平涼毗連陝境氣候和暖官道傍又有涇水以資灌溉勸父老及時栽種毋使有闕曠之地可也久之民無以應蓋平涼十萬戶人民慘經兵燹逃亡於外自左宗棠奉命西來人民始稍稍還鄉井當是時棲身無地鋤口無資焉有餘力種樹光陰廉知其情亦不强迫至是奉宗棠嚴令以種樹爲急務乃訪所部兵士

栽種官樹以爲士民勸慕壽祺曰此大規模之種樹也自涇州官道起迄肅州嘉峪關山東西幾三千里引得春風度玉門矣光緒朝又培養三千餘年樹皆長成行人出入綠楊間盛矣哉方謂武王蔭樹不過如斯召伯甘棠何人敢伐太平景象固如是乎忽遭世變天地翻覆向之左公柳盡被軍人伐作薪矣嗟豈爲軍人斫伐也耶

賊竄階州大石山都司李宏珍擊敗之折竄黃鹿山管帶楚軍署階州知州洪

惟善截擊盡殲之

另股賊由成縣竄階州之白馬關遂至人石山守卡都司李宏珍擊敗走黃鹿山知州洪惟善令王斌武周正秋縣賊後殲之賊潰

奔大水壩李廣金擊之賊折山瓦房川出竄彭德沅邀之賊復折南家壩副將鄧光耀痛剿之賊越山紛竄民團截之賊棄牲畜而逃追至小關嶺經胡彪迎擊餘賊之竄雷家壩者已無幾矣

案隋州山谷雜處易藏奸向有絡匪一種據險為巢時出肆掠為地方患署知州洪惟
善訪有段世才翟煥周李奎三人皆積年巨惡恃其險僻雖白馬關有分防之軍無如何
也前此逆回入白馬關時段世才等乘隙擄搶迨回逆敗竄洪惟善飭副將彭德沅守
備周正德率隊往剿並令白馬關州判烏克松阿集團協捕該匪各匿巢中礮石雨注及
官軍併力攻破而段世才已絕巖潛遁逆僅獲其破械多件嗣破李奎匪巢擒李奎李俊
張昭蒲煥軍楊仕將五犯訊明正法詎知段世才逃匿翟煥周之石巖洞地勢尤險官軍
集隊往捕攻至深夜始獲段世才之父段明德並其妻段李氏及餘匪王三胖子多名
訊據供稱段翟兩匪又先絕遁段赴略陽翟赴廣元矣惟匪巢悉破黨眾已誅不能復聚
積年之
患始除

左宗棠奏請禁止甘肅回民新教

自金積堡蕩平後宗棠訊取各供以此次甘肅回
亂肇自新教請飭下各商軍督撫嚴禁回回新教

政府留
中不發

回回教創自阿刺伯人穆罕默德生於西歷五百七十一年當中國陳宣帝

太建三年系出哥累斯

美國林樂知
中西關繫論

隋開皇七年遣塞爾帝幹歌士資天經

三十册傳入中國由南海達廣州

丁鵬天方
聖教序

廣州舊志云唐開海舶回教國